



Broj: 01/01-537-6/10-2022
Sarajevo, 08.07.2022. godine

Na osnovu člana 69. stav (2) tačka d), člana 70. stav (1), (4) i (6) Zakona o javnim nabavkama („Sl. glasnik BiH“, broj 39/14), na preporuku Komisije za javnu nabavku, broj: 01/01-537-5/10-2022 od 13.06.2022. godine u otvorenom postupku nabavke robe – **HEMIKALIJE, LOT 5 – Hemikalije za molekularnu biologiju**, Dekan Univerziteta u Sarajevu - Prirodno-matematički fakultet je donio

ODLUKU o poništenju postupka javne nabavke

Član 1.

Poništava se postupak javne nabavke roba u dijelu – **HEMIKALIJE, LOT 5 – Hemikalije za molekularnu biologiju**, objavljen dana 12.05.2022. godine na Portalu javnih nabavki pod brojem: 29340-1-1-43-3-14/22 iz razloga što nijedna od primljenih ponuda nije prihvatljiva, a u skladu sa članom 69. stav (2) tačka d) Zakona o javnim nabavkama BiH.

Član 2.

Ova odluka objavit će se na web-stranici www.pmf.unsa.ba u skladu sa članom 70. stav (6) Zakona o javnim nabavkama BiH.

Član 3.

Ova Odluka stupa na snagu danom donošenja.

Obrazloženje

Postupak javne nabavke pokrenut je Odlukom o pokretanju postupka javne nabavke roba: **HEMIKALIJE**, broj: 01/01-537/3-2022 od 12.05.2022. godine.

Obavještenje o nabavci broj: 29340-1-1-43-3-14/22 objavljeno je na Portalu javnih nabavki dana 12.05.2022. godine i u Službenom glasniku BiH br: 32, objavljenog dana 20.05.2022.godine

Iz Izvještaja o preuzimanju tenderske dokumentacije od strane ponuđača, vidljivo je da su u periodu koji je ostavljen za dostavljanje ponuda do 30.05.2022. godine, tendersku dokumentaciju preuzeli slijedeći potencijalni ponuđači: EKAPIJA DOO, PROIZVODNJA I TRGOVINA „PHARMAMED“ D.O.O. TRAVNIK, EMGEN DOO, KEFO D.O.O. ISTOČNO SARAJEVO, BBS EUROPE, SPEKTOLAB D.O.O., MEDIC BH D.O.O., AB MEDIC D.O.O., MIKRO+POLO D.O.O., KRAJINAGROUP D.O.O. BANJA LUKA, R&S D.O.O. SARAJEVO, GREENLINE, SEMIKEM D.O.O. SARAJEVO, BOSNA – VET DOO, CONTOLMATIC BH DOO SARAJEVO, MESSER TECHNOPLIN D.O.O.

Iz Izvještaja o pitanjima i odgovorima u vezi sa tenderskom dokumentacijom, vidljivo je da je u periodu koji je ostavljen za dostavljanje pitanja i odgovora, ponuđači nisu postavljali pitanja u vezi pojašnjenja tenderske dokumentacije.

Iz Zapisnika o otvaranju ponuda vidljivo je da je Komisija za javne nabavke dana 02.06.2022. godine sa početkom u 11:00 sati izvršila javno otvaranje blagovremeno prispjelih ponuda slijedećih ponuđača:

R. br.	Naziv/ime ponuđača	Blagovremene ponude	Broj prijemnog protokola	Datum i vrijeme pristigle ponude	Ponuda/izmjena i/ili dopuna ponude i datum i vrijeme pristigle izmjene/dopune Ponude
1.	„MIKRO+POLO“ d.o.o Sarajevo	Da	01/01-537-1-1/10-2022	31.05.2022.g. u 15:25 sati	-
2.	„AB MEDIC“ d.o.o. Sarajevo	Da	01/01-537-2-1/10-2022	01.06.2022.g. u 14:20 sati	-

Na javnom otvaranju ponuda nisu bili prisutni predstavnici ponuđača.

Zapisnik sa otvaranja ponuda je zajedno sa zapisnikom o prijemu ponuda dana 03.06.2022. godine prosljeđen elektronskim putem (E-mail-om) ponuđačima koji su blagovremeno dostavili ponude.

Komisija za javne nabavke sastala se 02.06.2022. godine sa početkom u 11:00 sati, radi pregleda i ocjene ponuda, odnosno da bi utvrdila da li su ponuđač ispunili uslove koji su traženi Tenderskom dokumentacijom, kao i da bi utvrdila da li su ponuđači dostavili tehnički zadovoljavajuću ponude u skladu sa zahtjevima iz Tenderske dokumentacije i da li su kvalifikovani za nabavku predmetne robe.

Iz Zapisnika o pregledu i ocjeni ponuda vidljivo je da je Komisija utvrdila sljedeće:

Tačkom 7.1 Uslovi za kvalifikaciju Tenderske dokumentacije kao jedan od uslova za kvalifikaciju u smislu dokazivanja ekonomsko-finansijske sposobnosti u skladu sa članom 47. Zakona o javnim nabavkama predviđeno je:

- b) da bankovni račun nije blokiran u zadnjih 12 (dvanaest) mjeseci ili od početka poslovanja ako je ponuđač registrovan, odnosno počeo sa radom prije manje od 12 (dvanaest) mjeseci od dana objave obavještenja o nabavci;

Tenderskom dokumentacijom u svrhu dokazivanja ekonomsko-finansijske sposobnosti, u skladu sa članom 47. Zakona o javnim nabavkama:

- ✓ ponuđač je dužan dostaviti potvrdu izdatu od strane banke u kojoj je otvoren „Glavni račun“ sa naznakom od strane banke da navedeni račun ponuđača predstavlja glavni račun, te da isti nije bio blokiran u zadnjih 12 (dvanaest) mjeseci od datuma izdavanja potvrde, a koji treba biti nakon datuma objave obavještenja o nabavci;

Komisija za nabavke je pregledom i ocjenom ponuda konstatovala da je ponuđač „MIKRO+POLO“ d.o.o. Sarajevo u svojoj Ponudi dostavio original Potvrdu banke (Raiffeisen bank DD BiH) o solventnosti transakcijskog računa sa datumom izdavanja 15.03.2022. godine. Kao što je gore navedeno, Tenderskom dokumentacijom je traženo da je potvrda izdata nakon datuma objave obavještenja o nabavci, koje je objavljeno 12.05.2022. godine. Komisija je zaključila da time priloženi dokaz nije u skladu sa tačkom 7.1 Tenderske dokumentacije.

Komisija za nabavke je pregledom i ocjenom ponuda konstatovala da je ponuđač „AB MEDIC“ d.o.o. Sarajevo u svojoj ponudi dostavio ovjerenu kopiju Potvrde banke (ASA BANKE) o solventnosti transakcijskog računa iz koje nije vidljivo da je u istoj otvoren „Glavni račun“ sa naznakom od strane

banke da navedeni račun ponuđača predstavlja glavni račun. Komisija je zaključila da time priloženi dokaz nije u skladu sa tačkom 7.1 Tenderske dokumentacije.

U tački 7.1 Uslovi za kvalifikaciju TD također je propisano da u slučaju da se u ponudi ne dostave traženi dokumenti propisani tenderskom dokumentacijom ili se ne dostave na način kako je naprijed traženo, ponuđač će biti isključen iz daljeg učešća zbog neispunjavanja navedenih uslova za kvalifikaciju.

Pored navedenog u skladu sa tačkom 8. Sadržaj ponude i način pripreme ponude TD je propisano da su Ponuđači obavezni da pripreme ponude u skladu sa zahtjevima i uslovima koji su utvrđeni u ovoj Tenderskoj dokumentaciji.

Imajući u vidu navedeno utvrđeno činjenično stanje, Komisija je konstatovala da ponuđači „MIKRO-POLO“ d.o.o. Sarajevo i „AB MEDIC“ d.o.o. Sarajevo nisu postupili u skladu sa tačkom 7.1. Tenderske dokumentacije i članom 47. stav (1) tačka a) ZJN, jer nisu u ponudi dostavili traženi dokaz.

Budući da je članom 68. stav (4) tačka i) ZJN propisano da ugovorni organ obavezno odbacuje ponudu koja nije potpuna i ne ispunjava uslove iz tenderske dokumentacije, Komisija za javne nabavke, imajući u vidu prethodno navedeno činjenično stanje, je konstatovala da **su Ponude ponuđača „MIKRO+POLO“ d.o.o. Sarajevo i „AB MEDIC“ d.o.o. Sarajevo neprihvatljive.** U skladu sa prethodno navedenim zakonskim odredbama i Tenderskom dokumentacijom, zbog neispunjavanja navedenih uslova za kvalifikaciju, ponude su ocjenjene kao neprihvatljive, **te kao takve nisu uzete u dalje razmatranje.**

Na osnovu navedenog, Komisija za javne nabavke je predložila Dekanu da na osnovu člana 69. stav (2). tačka d) Zakona o javnim nabavkama BiH, donese **Odluku o poništenju** postupka javne nabavke roba: **HEMIKALIJE LOT 5- Hemikalije za molekularnu biologiju** za potrebe Univerziteta u Sarajevu- Prirodno-matematički fakultet **iz razloga što nijedna od primljenih ponuda nije prihvatljiva.**

Iz gore navedenih razloga, primjenom člana 69. stav (2) tačka d) Zakona o javnim nabavkama BiH, prihvaćena je preporuka Komisije i odlučeno je kao u članu 1. ove odluke

Pouka o pravnom lijeku:

Protiv ove Odluke može se izjaviti žalba, najkasnije u roku od pet (10) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje tri (3) primjerka.

Naknada za pokretanje žalbenog postupka plaća se Uredu za razmatranje žalbi u skladu sa članom 108. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH.

DEKAN FAKULTETA

Prof. dr Nusret Drešković

Dostaviti:

- MIKRO+POLO d.o.o. Sarajevo
- AB MEDIC d.o.o. Sarajevo
- Dosije nabavki
- a/a